

ROTEIRO “AS REIGADAS”: FERRARIÁS E FORNOS

A PONTENOVA



No roteiro percorrерemos un dos bosques mellor conservados da pprovincia: **A Fraga das Reigadas**, encravada na Reserva da Bioesfera “Río Eo, Oscos e Terras de Burón”. O punto de partida será o lugar de Barreiros (785 m). Empregando varias pontes sinxelas, gozaremos das ferverzas e muíños asociados ao río Reigadas, así como doutros elementos naturais e etnográficos da fraga, por exemplo, as ouriceiras. Atravesando a **Fraga de Vilarxuvín** descenderemos ata a **Ferrería de Bogo**, un gran complexo hidráulico de muíño e forxa, en activo dende 1534 ata finais do século XVIII, que testemuña o aproveitamento do ferro asociado á forza motora do río Reigadas. Logo de atravesar as

aldeas de Machuco, Muíñou e Panturreira, remataremos a ruta no lugar de A Ermida (160 m) e poderemos tomar un refrixerio na “tenda de Manolo”, unha peculiar taberna de aldea. Para rematar a xornada achegarémonos á vila de A Pontenova para visitar un dos seus elementos patrimoniais máis destacables: **Os Fornos**. Trátase dun vestixio da minería de ferro que tivo gran importancia na zona durante a primeira metade do século XX. Tras a calcinación nos fornos, o mineral obtido era transportado por tren 34 km ata o “cargadoiro de Ribadeo”, tendo como destino varios países de Europa (segundo o momento político).

Lonxitude: 14 km.

Dificultade: media-baixa. O camiño pode resultar escorregadizo, principalmente nas rústicas pontes.

Ligazóns de interese:

<mailto:https://es.wikiloc.com/wikiloc/view.do?id=1809297>

<mailto:http://masrutasymentosrutinas.com/ruta-das-reigadas-pontenova/>

DOMINGO, 23 DE ABRIL DE 2017

Xeral.....	15 €
Estudantes, xubilad@s e no paro.....	12 €
Soci@s.....	10 €
Ata 17 anos.....	5 €

O autobús sairá de diante da Facultade de Formación do Profesorado ás 9.00 h.

Imprescindible anotarse chamando ao **679 113 718** ou ao **982 24 02 99**.



**Leva roupa e calzado axeitados e comida para o camiño.
O bo humor é cousa de tod@s**

PRÓXIMOS ROTEIROS DE ADEGA LUGO

21 Maio: A vida comunal – Negueira de Muñiz

11 Xuño: Muíños do Picón e Folón – O Rosal

+info: www.adega.gal ou roteirosadegalugo.blogaliza.org



Tríptico con información da ruta. Web do Concello de A Pontenova: <http://www.concellodapontenova.org/porta...>

http://www.concellodapontenova.org/porta_localweb/RecursosWeb/DOCUMENTOS/13/0_1033_1.pdf

Ruta das Reigadas

Tramo Barreiros - Ponte Paradedela

O inicio do primeiro tramo da ruta sitúase a 785 metros de altitude no lugar de Barreiros, pertencente á parroquia de San Pedro de Bogo. A ausencia de vexetación arborea durante os primeiros 600 metros do camiño permítenos gozar, dende a súa cabeceira sur, dunha reconfortante vista panorámica caracterizada pola frondosidade da fraga na que discorre a Ruta das Reigadas.

Logo de si, o camiño xira bruscamente á dereita para internarse nunha masa de piñeiros, e inmediatamente despois, introdúciaranos na vexetación característica da fraga, composta no seu estrato arboreo por carballeiros, castiñeiros, abeleiras e acivros, que se verán acompañados dun abundante tapiz herbáceo conformado por queirogas, fentos e arandeleiros, xunto cos fungos e líques que acanlian as rochas dos numerosos regatos e fervezas que conflúen no río que dá nome á ruta.

As numerosas pontes coas que se atopará o camiñante permítenllos acompañalo no seu xiloso descenso a través da fraga das Reigadas, rematando esta coa chegada á Ponte Paradedela, fin do primeiro tramo da ruta.

Ruta das Reigadas

Tramo Ponte Paradedela - Ferreira de San Pedro

A 1,8 km ao sueste de Vilaxuñín pertencente á parroquia de San Pedro de Bogo e a 410 metros de altitude comeza o segundo tramo da ruta. Logo dos primeiros 100 metros, que transcorren por estrada asfaltada, desvíamonos á esquerda para adentrarnos na fraga de Vilaxuñín.

No seu primeiro tramo, o camiño discorre en curva de nivel uns 50 metros por riba da marexe da esquerda do río Reigadas que, coa súa presenza, dará lugar á frondosidade da vexetación coa que ali se atopará o camiñante. Abundantes masas mixtas de carballeiros e castiñeiros nas que, nalgúns casos, destacarán fermosos exemplares centenarios, veranse acompañadas por abeleiras, pradanos e fentos xunto con algunha cereleira dispersa, para logo de baixar a mirrada, atoparmos un estrato herbáceo-herbáceo constituído por queirogas, xilbarbelleiros, fentos e arandeleiros xunto cos líques e fungos dos penedos.

Logo de camiñar 2,5 km, e de cruzarmos cunha corpa para a conservación e maduración das castañas, cursar antigos muros e numerosas pontes, chegamos ao final da fraga de Vilaxuñín, para que de suposto, se abra o ángulo de visión do camiñante e así poder apreciar a acción antropóxica na conformación da paisaxe, coa presenza de masas de coníferas e algún pé de eucalipto illado que se mestura nas masas de frondosas autóctonas.

Para rematar o segundo tramo da ruta, unicamente resta un pronunciado descenso que nos levará ao cartón da Ferreira de Bogo, ubicada na parroquia de San Pedro de Bogo, e que foi fundada no ano 1534 polo fidalgoo Pedro de Miranda para o aproveitamento das riquezas férreas das súas terras a partir da forza motora do río Reigadas.

Ruta das Reigadas

Tramo Ferreira de San Pedro - A Ermita

O terceiro tramo comeza a 210 metros de altitude no lugar de Ferreira de San Pedro de Bogo, e caracterízase polo seu descenso por espazos abertos.

A vexetación coa que nos atoparemos comprende un amplo abanico de conformacións vexetais: masas de coníferas, frondosas autóctonas, así como pasteiros presentes ao carón dos núcleos de poboación de Machuco, Muñou e Pariturreira cos que se cruzará o camiñante e que farán que teña que prestar especial atención aos elementos identificativos da ruta para non desviarse do camiño programado.

Logo de camiñar 3,6 km por este último tramo, chegase ó lugar de A Ermita, parroquia de San Xuán de Vilaboa onde finaliza a Ruta das Reigadas.

